

## রম্যরচনা

রম্যরচনা ও ব্যক্তিগত প্রবন্ধ নিবন্ধ রচনা সাহিত্য এক গোত্রভুক্ত। উভয়জাতীয় রচনায় প্রায়ই একত্র মিলেমিশে থাকে। তবু এই দুই জাতীয় রচনার মধ্যে একটা সূক্ষ্ম প্রভেদ রেখা টানা যায়।

‘রম্যরচনা’ কথাটির অভিধানিক অর্থ যে রচনা রমনীয় বা সুন্দর। এই অর্থে রম্যরচনার সংজ্ঞা বিস্তৃত। কারণ সাহিত্যের ধর্ম যে - তা রমনীয় ও সুন্দর হবে, হবে রসোত্তীর্ণ। আর এই অর্থে কবিতা, গল্প, উপন্যাস, প্রবন্ধ সকল শ্রেষ্ঠ রচনাকে রম্যরচনা অভিধায় অভিহিত করা চলে। তবে রম্যরচনা বলতে বুঝি জীবনের লঘুচপল দিক গুলি নিয়ে যখন উচ্চতর কোনো ভাবের প্রকাশ ঘটানো হয়। বলা যেতে পারে - ‘হঠাৎ আলোর বলকানি লেগে বলমল’ করা চিত্তের ক্ষন প্রকাশ। এই ধরনের রচনার উদ্ভব ফরাসী সাহিত্যে। পরবর্তী কালে ইংরেজী সাহিত্যে এ ধরনের রচনার সৃষ্টি হয়। বাংলা সাহিত্যে বঙ্কিমচন্দ্র, ত্রৈলোক্যনাথ মুখোপাধ্যায়, রবীন্দ্রনাথ প্রমুখ সাহিত্যিক গণ রম্যরচনার খ্যাতি অর্জন করেন।

রম্যরচনার প্রসঙ্গে ডঃ জনসনের উক্তি প্রাসঙ্গিক -- " .....  
**loose sally of mind which is an irregular indigested  
piece and not regular or orderly composition"**  
প্রবন্ধকারের মেধা ও বুদ্ধির ছাপ ছড়িয়ে আছে প্রবন্ধে আর রম্যরচনার। ছড়িয়ে  
আছে হৃদয়ের পরিচয়ে। রবীন্দ্রনাথ রম্যরচনাকে বলেছেন -- “বাজে কথা”.....  
‘অন্য খরচের চেয়ে বাজে খরচেই মানুষকে যথার্থ চেনা যায়’, কারণ মানুষ ব্যয়  
করে বাঁধা নিয়মে ‘অপব্যয় করে নিজের খেয়ালে, যেমন বাজে খরচ তেমনি বাজে  
কথা। বাজে কথাতেই মানুষ আপনাকে ধরা দেয়’। প্রমথ চৌধুরী রম্যরচনাকে  
বলেছেন - ‘গুনপনায়ুক্ত হ্যাবলামি’।

রম্যরচনা যে সব গুনে রমনীয়তা লাভ করে তা নিম্নরূপ :-

- ১/ রম্যরচনার ক্ষেত্রে একদিকে যেমন আঙ্গিকগত কোনো নিয়ন্ত্রন নেই তা সম্পূর্ণ নিরপেক্ষ ভাবেই বর্ণনাত্মক, বিশ্লেষণাত্মক নয়।

- ২/ রম্যরচনা পাঠককে তত্ত্ব ও তথ্যের ভারে ভারাক্রান্ত করে না ;  
গুরুগম্ভীর বিষয়কে লেখক হালকা মেজাজে প্রকাশ করেন ।
- ৩/ রম্যরচনা এক ধরনের বৈঠকী রচনা যার মধ্য দিয়ে পাঠক ও লেখকের এক বন্ধুত্ব গড়ে ওঠে ।
- ৪/ রম্যরচনা প্রধানত : হাস্য রসাত্মিত সুখপাঠ্য রচনা ।
- ৫/ এর রচনারীতি লঘু । কোনোভাবেই গুরুগম্ভীর নয় ।
- ৬/ রম্যরচনার কোনো বাঁধাধরা রীতি নেই, তুচ্ছাতুচ্ছ বিষয় নিয়েও রমণীয় রচনা লিখিত হতে পারে । কখনো আত্মচরিতের ঢঙে, কখনো বা ভ্রম সাহিত্যের কাঠামোতে কখনো বা স্কেচরচনার ভঙ্গিতে ।
- ৭/ রম্যরচনায় লেখকের যথেষ্ট স্বাধীনতা আছে । কিন্তু স্বাধীনতার অর্থ যা খুশি তাই লেখা নয়, যুক্তিনিষ্ঠার পরিবর্তে খেয়ালীমনের পরিচয় মেলে বেশি ।
- ৮/ রম্যরচনার বিষয়বস্তু অনির্দিষ্ট । ক্ষুদ্রের মধ্যে বৃহত্তরের আবেদন এবং তুচ্ছের মধ্যে মহত্ত্বের আশ্বাদ জাগিয়ে তোলা হয় ।
- ৯/ এ জাতীয় রচনায় ব্যক্তিগত রসপ্রকাশ প্রধান । কিন্তু লেখকের আত্মপ্রকাশ যেন আত্মস্মরিতায় পর্যবসিত না হয় সেদিকে লক্ষ রাখা আবশ্যিক ।
- ১০/ রম্যরচনার ব্যঙ্গ খতি স্তূল হয়ে যেন চুটকি বা রঙ্গপ্রাম্যতায় পরিনত না হয়ে সেদিকে দৃষ্টি রাখা জরুরী ।

বাংলা রম্যরচনা সাহিত্যে বিশেষভাবে স্মরণীয় বঙ্কিমচন্দ্র চট্টোপাধ্যায়ের ‘লোকরহস্য’ ও ‘কমলাকান্তের দপ্তর’। সমগ্র বাংলা সাহিত্যে কমলাকান্তের দপ্তর অদ্বিতীয় ও অভিনব । কমলাকান্তের আড়ালে লেখক বঙ্কিমচন্দ্র সমাজ, দর্শন, স্বদেশ, রাজনীতি ইত্যাদি তার মত-মন্তব্য সরস ও হাস্যময় করে অকুণ্ঠিতভাবে প্রকাশ করেছেন । কমলাকান্ত একজন আফিমসেবি ব্রাহ্মণ । আপাতদৃষ্টিতে তাকে উন্মাদ প্রকৃতির মনে হলেও প্রকৃতপক্ষে সকল বিষয়ে তার তীব্র সচেতনতা । বঙ্কিমচন্দ্র সম্পূর্ণ ভাবে এখানে রম্যরচনার রীতি অবলম্বনে হালকা রসিকতার মধ্য দিয়ে গুরুগম্ভীর বিষয় তুলে ধরেছেন । সর্বত্রই লেখকের একটি বৈঠকী ঢঙ এবং তার ভিতর দিয়ে গুরুত্বপূর্ণ বিভিন্ন মতামত প্রকাশিত হয়েছে, যেমন- ‘পতঙ্গ’ ও ‘বিড়াল’ প্রবন্ধ । বিড়াল প্রবন্ধে দেখি “এ সংসারে ক্ষীর, সর, দুধ বা দুগ্ধ, দধি, মৎস্য, মাংস সকলই তোমরা খাইবে আমরা কিছু পাইব না কেন ?” এখানে বঙ্কিমচন্দ্রের সাম্যবাদী আদর্শ প্রতিফলিত হয়েছে রঙ্গরসিকতার ভঙ্গিতে । কমলাকান্তের দপ্তর এই রম্যরীতির জন্য সমগ্র বাংলা সাহিত্যে স্বতন্ত্রস্বাদের সাহিত্য ।